

帶
經
堂
詩
話

帶經堂詩話卷二十五

漁洋山人

記載門七

軼聞類

傅侍御辰字蘭生一字彤臣別號麗農新城人辛卯中省試
乙未舉禮部筮仕河間府推官行取授御史命按江西道
出河間遮道攀轅者數千人公題詩驛壁云直道餘風今尚
在士民接踵問平安其感人之深至此漁洋文

太湖北小池驛有茶池亭羅近溪先生汝芳嘉靖間作令過
此父老爭攜茶獻之後人卽其處建亭有石刻詩云父老壺
漿當日事先生風味至今遺

羅城吉水諸生羅一峯被謫城發憤白巡按御史陳選徒步

赴京師上疏陳王道三十二事當路以爲偷黨下禮部議其罪尚書姚夔命作雪歌立成姚深獎歎名動一時鄉人彭狀元教贈詩云賈誼有書歸取讀他時捫蝨聽高談

保府南通州人宏治中以歲貢知曲江縣清介自持題詩解壁云不似神仙解煉丹無緣措置惠貪殘毫釐百姓心頭肉爲汝抽刀總是難及去民皆流涕

已上皇華紀聞

北平韓鼎業字子新流寓中州李空同墓在禹州山中爲流賊所發韓收其骸骨葬之吳江計孝廉甫草東遊河北訪謝榛墓於鄴西門外爲立碣表曰明詩人謝茂秦墓二事皆有古人之風按空同山在禹州與具茨接獻吉本扶溝人且生於汴故取爲號歿卽葬焉非平涼之空同山也

予鄉王遵坦字太平益都人太僕少卿濬之子劉孔和字節

之長山人相國鴻訓之子二人皆負氣跼蹐相友善王居家
桑谷劉居長白皆有林泉之美崇正間見天下將亂散財結
客甲申歲孔和毅闖賊僞令率精騎萬人南赴金陵至淮陰
以兵屬劉澤清澤清與孔和素交時爲藩鎮貴重無比然好
爲詩一日大會將吏廣坐朗吟賓佐交口譽之孔和仰視獨
無語強問之曰公誠名將才然此事定復不急澤清怒罷酒
賓客皆惶懼失次孔和傲然而出澤清益怒遣人追及舟中
殺之已而金陵以爲副總兵官則孔和死數日矣遵坦入
本朝隨肅王平蜀爲巡撫四川都御史卒於閩劉有奕棋贈
邱將軍長歌云伏生之里大將出生來所志唯馬革幕中已
多指視功疆場血戰不勝筆堪嗟再謁典連敖不知三世還
執戟別君十載一瞬間歷盡鋒鏑與楛桎背貴那可入韓罪

晴白聊足嘲吳刻多君談笑貫索中坐待明光銷蠹蝕昨聞
廣武拜軍師聖主懷邦丈人吉如今驅戰真市人聒聒怒蛙
誰與軾願君橫臂障東海莫令桑梓生荆棘安有健兒把犁
鋤但見春林巢小鼠從來外攘必內安隱憂不在河北賊夜
涼浮白戒談事更向局中間劫急已知文偉能辦賊不待常
塲辨白黑贊君斂手推棋枰論兵艾艾終羞吃君功定可勒
燕然我詩空須錦巔織王有詩云怪鴟撲人山鬼叫草際幽
燐舊年少古冢老狸夜冥賓憫懣爲盤羅八珍元熊文豹甘
作使噤不敢言但相指夫君意氣不自持拔劍向風劍光死
一身誰遣困蓬蒿呼天喝月未足豪驢脊如柴少羈勒小挫
風期非我曹愁多歡少天白頭倒擲河水西向流一寸之心
括千古元氣茫茫生百憂金盆濯足錦爲廁以此相酬已堪

憲寄語聽冰九尾兒鷓鴣啼上寒楓枝劉又有贈王詩云都
無殺者黃江夏豈有食之嚴鄭公後竟死劉澤清手與黃祖
事絕類云邱名磊鄒平人少爲諸生有才名後走遼東詣軍
門上書積功至總兵官佩鎮東將軍印亦死澤清之手

并錄二

漁洋

劉孔和少倜儻好談兵慕陳亮辛棄疾之爲人文章豪

邁洞達詩尤奇恣甲申三月起兵長白山中率衆南下劉澤
清開藩淮上令客說之使以兵屬焉孔和貴公子性疎放謂
澤清鄉里雅故屢恃舊恩狎侮澤清積不堪且稍憚其威名
陰欲圖之澤清武人不知書旣貴爲藩鎮好爲詩往往託示
坐客一日高會酒酣出詩示客次至孔和孔和擲不眴大言
曰國家舉淮東千里付足下未聞北向發一矢而沾沾言詩
詩卽工何益國事况不必工耶澤清被酒大恚推案起一座

震懾不知所爲孔和不爲動拂衣徐出澤清益不平立遣壯士二十輩追及舟中拉殺之一軍大譁散歸孔和時年三十一孔和長八尺面目如刻畫雙目炯炯射人如電望之類羽人劍客平居好論天下大計感激憤發鬢頰怒張嘗賦詩云并無殺者黃江夏豈有食之嚴鄭公後竟死澤清手蓋讖云所著日損堂詩集練要堂文集若干卷多可傳

全上

王遵坦長身少鬢眉狀類寺人跌宕負奇好飲酒擊劍

父灤失勢家居無日不飲酒叔父衮才而數奇亦跣跣放於酒每飲酒輒呼遵坦與俱各盡數石酒酣相與賦詩大歌呼爲樂客至輒不得通顧獨與孔和交善遵坦別業在家桑谷山水幽奇數與孔和遊止賦詩或屏人促膝畫地語終日人莫測也王贈劉詩曰驢脊如柴少羶勒小挫風期非我曹劉

亦贈王云何似冉家好兄弟同心畫出釣魚山齊人皆目笑
之以爲狂生

楊懷玉者以琴供奉明懷宗官太常丞鼎革後攜賜琴流轉
吳越間文士多爲賦詩絕似宋末汪水雲也同時有伊爾弼
者會稽人亦以琴供奉禁中興化李鏡月產有長歌贈之懷

婉可誦

附錄居易錄楊正經字懷玉蜀人通音律善鼓琴崇正中修復雅樂或薦之召見稱旨
出內府漢文帝唐太宗二琴賜之官太常矣未以母喪歸蜀奉賜琴以行次旅舍懸琴
聲聞鏗然有聲者三正經泣曰此亡國之徵也不再顧矣是日李白成入
潼關明年甲申明亡正經僧服時抱賜琴出游吳楚間人呼爲僧太常云

宣城施愚山

章

少孤事叔譽至孝一日值叔誕辰大集親戚

上壽而叔以小故忤意堅臥不起愚山跪榻前移晷辛亥客
都門每憶叔輒涕泗事叔如此古人所希有也譽有遺詩一
卷愚山屬予爲論定序而行之

宗傳附議勇叅云施氏家風述略聞章將就外門叔父慎簡人師時水陽王夫子麟宗先大父同門友也性嚴毅方館江北巨室叔父頗首請曰敢以先兄之孤辱先生先生達辭重館就薄費嘗一日嬉情師旣施夏楚叔父又痛杖之是夕叔父不寐與先生相持哭曰孺子不可教何以見我兒地下

汴梁王金章

業

叅政常從老儒劉文奇學崇正末劉家沒於

水王爲置田園廬舍於蕪門山中後年七十餘病卒爲之營葬情禮甚備予見其哭師詩哀樂有過人者其警句云門無司馬求書使室有黔婁正被妻餘不具錄陶九成載橋李頤德玉墓其師新昌俞觀光事此近之矣

工部尚書渭南南公二太

居益

巡撫福建時紅毛番以明月珠

珊瑚樹異香火馬諸珍寶物賄請互市公絕其使焚其貢物口占一詩云明月珊瑚貴莫言番書字字誑軍門牙前立下焚珠令不敢持將獻至尊授部將以方略詩之繫其酋高文律閩人立石平遠臺以紀公績崇正間事也

單縣秦襄毅公

緝

任葭州知州調秦州服闋秦人三疏保留

吏部不准秦人日哭於東拱辰門吏部不得已將見任奏調別州仍授秦州郭定襄伯贈行詩云早登金榜列儒紳誰不爭先觀鳳麟曾以霜威消瘴癘還將和氣布陽春廟堂正擬徵黃霸父老俄聞借寇恂不獨兒童騎竹待郊原草木亦欣欣

吾邑舊令史公誰能仁河南鹿邑舉人崇正間來爲縣清正而才剛柔互用至今尸祝之庚辰辛巳歲大祲人多流亡時邑境甘露降於林木地生羊肚菜公賦詩曰上天降甘露偏地生羊肚饑食羊肚菜渴飲甘露乳涕泣告吾民慎無去鄉上真仁人之言也後調繁溜川遷兵部主事去順治辛卯復至縣雖三尺之童亦東暉歡迎至十餘里不絕可稱循吏矣

惜至今未祀名宦

非錄一

分甘餘話史能仁字巖居明末爲濟南新城令善政不可更僕庚辰大饑田野間徧生羊肚菜甘美可食四鄉又有甘露之祥公賦詩示士民云上天降甘露滿地生羊肚饑餐羊肚菜渴飲甘露乳涕淚告吾民慎勿去鄉土右一詩朱竹垞選入明詩綜

李滄溟先生身後最爲寥落其寵姬蔡萬歷癸卯年七十餘矣在濟南西郊賣胡餅自給叔祖季木考功見之爲賦詩云白雪高埋一代文蔡姬典盡舊羅裙

云

滄溟清節可知矣

并錄一

香祖筆記李滄溟食饅頭欲有蔥味而不見蔥唯蔡姬者所造乃食其法先用蔥不切入餡而留饅頭上一竅候其熟卽拔去

蔥而以麩塞其竅此謝在杭文海披沙所載卽所謂蔡姬典
盡舊羅裙者也

宗補附識勇泰云西山日記李于鱗解組後構白雲樓樓三層最上其吟咏處中以居
一愛姬最下延客四面環以水有山人來謁先請投其所作詩文許可方以小舫楫渡
之否者遙詔曰亟歸讀書不煩枉駕也山人所記

賣餅蔡姬卽第二層樓中人耶并綴以發一彙

明萬歷中年以後迄啓正間無詩唯候官曹能始宗伯

學詩

得六朝初唐之格一時名士如吳兆徐桂林古度輩皆附之

然海內宗之者尚少錢牧齋所折服唯臨川湯先生義仍與

先生二人而已能始官四川叅政典監司謁撫按必於館中

別設一几隸人置書几上對衆一揖卽就几披閱不交一言

其孤亢如此晚年大節如江萬里尤不可及予生甲戌以辛

卯中鄉試乙未中會試與先生相去一甲子無不符合

已上池北偶談

張東谷先生諱茂蘭字德馨濟南章邱人宏治乙丑進士知

任邱縣時流賊掠縣境先生築城誓衆散粟哺饑民兵甲完具樓櫓屹然賊去之城賴以全御史以紀功至先生不出迎被詰責先生仰視曰公此來何爲者耶御史怒曰奉命勦賊紀功令獨不聞乎先生曰賊去此幾何御史曰八百里先生曰公以紀功爲名今相距八百里脫有冒功者何從知之濫殺平民者何從知之不責已去賊之遠而責令奉迎之近誠所未喻御史益怒面發赤久之曰何物縣令強項若是亟驅車去亡何御史以事就逮先生迎數十里外廩餼甚腆時方嚴冬製衣裘以進御史歎曰令古人也暖不增衣寒不減葉吾見其人矣先生兩爲令衣布飯脫粟不名一錢不以妻孥自隨遷戶部主事餉軍遼陽封還羨金於官使歸監兌臨清權舟九江終始以潔廉自勵舉人陳守仁贈詩云人道公心

清似水我言水不似公心水流萬折終侵物萬折公心物不
侵先生使九江李文康公時賦詩送之曰當年相與駐孤城
豺虎縱橫近帝京洛下書生曾獻策關中令尹解談兵時平
上國仍同醉秋盡西郊復送行黃瘦一童牽一騎雙流應照
使君清

蠶尾文

附錄此傳後段先生嗜飲酒在太學友人以公罪下刑部獄聞獄囚日給酒願附名其
末或問之答曰獄中誠不佳冀日可得酒耳嘗借史記漢書文選於縣人喬御史岱故
斬之李太常開先問其故喬曰吾非斬此書疾此君不近人情招之不來耳先生聞之
曰使借吾書東西南北唯喬君命東朝鮮西流沙南交趾北居庸關所不敢辭太常曰
居庸何近也笑曰吾畏宣府耳其滑稽類此又予少聞正嘉中京師語曰天下清官張
茂蘭問其後裔則式微久矣康熙丁卯冬雪後遊長白李氏囿園中有亭曰昔山山
中人指示予此東谷先生故居時山雪清寒竹風蕭瑟想見先生流風餘韻爲之慨然
聞先生在郎署日冬無絮衣餽遺皆不受東阿劉戶部田解衣遺之乃受曰世唯劉伯
耕衣可服耳人
以比陳師道云

柘城王塔益仲官新河知縣宋布衣登春號鷺池生者縣人

也益仲爲置祠立碑爲文祭之祭之日有雙天鷺來立碑上

人皆異之柏鄉魏相國以下賦詩者數十人登春居江陵之天鵝池因以自號所產故里曰六戶鄉今改天鵝聚云益仲又刻其雜文一卷詩古今體二卷爲宋布衣集

趙清獻公集十卷衢州舊刻本有景定陳仁玉至治蒙古僧家奴鈞二序門人太倉進士曹延懿言相國鄴園李公昔爲制府鎮三衢軍旅之暇訪清獻之齋祇一農家子目不知書呼見之爲補奉祀生員居公祠側以奉烝嘗公常有退居十詠如高齋竹軒諸遺蹟皆不可識唯濯纓亭爲後人重建今尚存族子文錦爲衢守予以修葺清獻祠堂及修補集板屬之

戶部郎中王埏以其遠祖孝行錄索題孝子名原文安人父珣以逃里役去鄉里原方在襁褓稍長有室段氏日問母張

兒父安在母告以故原哀痛跪母前欲遠遊覓其父母止不聽乃去之齊魯數年至田橫島宿神祠夜夢入古剎日當午見僧方炊就乞食僧與之一盂曰此莎米飯也味苦爲汝和以肉羹旣覺有一丈人攜杖入原告之夢丈人曰日當午南方也莎草根附子也和以肉羹附子膾也急去當於山寺求之原謝而行抵輝縣入帶山夢覺寺會大雪宿山門下僧見而叩所從來具以對是時珣在寺爲僧都養僧引原示之曰此少年亦文安人試作鄉語於是父子語合抱持大哭聚觀者皆感動泣下住持僧法林者贈詩云豐干豈是好饒舌我佛如來非偶爾昔日曾聞呂尚之明時又見王君子借留衣鉢種前緣但笑懶牛鞭不起歸家日誦法華經苦惱衆生今有此原遂奉珣以歸年六十有四矣又二十年始卒原卒時

亦八十有四其大略如此

楊升菴先生在滇有張半谷含輩從遊時謂楊門六學士以
比黃秦晁張諸人半谷卽愈光餘則楊宏山王純菴廷
表胡在軒廷祿李中溪元陽唐池南筠又有吳高河懋爲七
子以擬廖明略升菴謂七子文藻皆在滇南一時盛事是也
按朱曰藩射陂集人日草堂詩引云升菴先生在江陽以畫
像寄余白下揭於寓齋日夕虔奉如在函丈嘉靖己未八日
西域金大興東海何良俊吳門文伯仁黃姬水郭第秣陵盛
時泰顧應祥相約過余觴之齋中齋南嚮先生像在壁間諸
子不敢背之坐各東西席如侍側之禮比邱員瀾餉中冷泉
覓得陽羨貢茶一角烹茶爲供以宣甌注之焚沉水於鑪作
禮畢就坐皆歎曰幸甚今日乃得覩升菴先生文子曰今日

之會奇矣余當作人日草堂圖以寄先生余欣然拊掌因拈
人日題詩寄草堂遙憐故人思故鄉之句作八闌散諸子請
各賦一篇并寄先生見吾輩萬里馳仰之懷越二日文子圖
成又二日諸子詩次第成余乃爲之引云牧齋曰嘉靖乙未
先生年七十二以是年六月卒於永昌詩畫郵致之時先生
已不及見矣按先生集有己未六月病中訣李張唐三君詩
所謂魍魎禦客八千里羲皇上人四十年是也當時先生流
離顛沛遠在天末而遠近爲人企慕如此何殊東坡惜身歿
南荒不及玉局之生還耳彼讒人者遺臭萬年豈止與烟草
同腐已哉

周貧字青士家禾郡之梅里以賣米爲業自晨至午居肆過
午輒下簾閉肆登小樓讀書喜爲詩與朱彝尊李良年鍾淵

映比鄰相善一日游嘉善館柯氏園月夜吟詩意得遂至達
旦適郡丞季某以事至署與園鄰聞周吟聲彷徨不能寐詰
朝詢知其故逮至杖而逐之予曰袁彥伯使不遇謝鎮西幾
不免虎口

并錄一

漁洋詩話周篋字青士秀水人居梅里隱於市廛偶游嘉善假一
園居停一夕嘯詠甚適遂至達旦鄰有郡丞行署時來按部
聞周詠詩聲亦達旦不成寐恚甚詰旦遣隸勾捉將加戮辱
有士大夫援之乃得免或述此事余笑曰使袁虎不遇謝鎮
西幾不免虎口一座大笑

山谷與摩詰貌相似其自贊云元豐間求李伯時作右丞像
此時與伯時未相識而作摩詰偶似不肖但多髯耳今觀秦
少章所蓄畫像甚類而瘦豈山澤之儒故應臞哉又云登山

臨水喜見清揚豈不優孟爲孫叔敖虎賁似蔡中郎者耶今
觀二公詩格不相類而脫盡世諦則一形貌固宜相肖乃神
似非形似也

已上居易錄

唐時升叔達三易集有南翔八老人詩序云南翔里有八老
人爲社徐爵九十六趙陸九十四陸淙八十五徐勲張樂俱
八十四董儒八十三朱梓八十二陸球八十一居止不一二
里而耄耋相望日杯酒談笑相娛樂誠太平盛事也詩云白
鶴郵頭春日曉香霧濛濛百花好蒼顏素髮八老人花前置
酒相傾倒笑說鄰翁學語時追談邑子知名早不知主客更
勸酬爭引曾元互提抱今年孟春甲子晴占云麻麥俱豐成
坐中祭酒九十六敬醑社翁旨且清其間迭起拜更祝但願
脚健雙眸明桂林從事八十一只聞喚弟無呼兄南郵翳翳

桑榆日出且持杯歸散帙但謀兒孫種黍苗何知道士餐芝
朮香山居士有遺篇九十不衰真地仙公等康健逢聖世能
無且莫歌皇天願炊香飯釀秫酒日奉杖履長周旋正嘉遺
事多訛謬欲問鑿與南辛年魏學禮長林片葉集有九峯青
厓先生年一百二十一歲詩尤奇

寶應孝廉陶成字雲湖以畫名家偶閱王兆雲揮麈新談載
其行事怪僻甚殆郭忠恕之流成小時從師見其妻卽圖之
次見其女又圖之皆逼真師怒逐之寫花鳥人物最工芙蓉
尤入神品有富人欲求之而不敢言乃於其游歷之所遍栽
芙蓉秋日花盛開成過之喜甚主人已預具絹素張于庭立
成二十幅索酒痛飲而去嘗同朱升之赴會試距試期僅三
日忽語升之曰聞張灣某氏丁香盛開子其從我游乎升之

不可成買小車徑造其家痛飲花下五日乃去遂悞試期嘗以挾伎事露御史知其名欲全之觀其贈伎詩曰此殆非子作成爭之曰天下歌詩豈有出陶成之右者而謂他人作乎竟坐除名

宗柎附識勇參云堯山堂外紀黃勉之風流儒雅卓越罕羣嘉靖戊戌當試春官適田子衛過吳門與談西湖之勝便輟裝北上往遊西湖盤桓累月此與雲湖事絕類迥曠達之士也

祥符中劉侗爲陝州司法參軍廉慎至貧官罷無以辦裘賣所乘馬跨驢以歸魏野以詩送之云誰似甘棠劉法掾來時乘馬去騎驢真宗祀汾陰見野詩歎賞久之召至以爲京官

已上香祖筆記

余最許石湖邢昉五言詩以爲韋柳門庭中人恨未及友其人官祭酒時鄉人李某往令高淳余特屬訪其子孫李至訪

之則老妻穉孫笑笑孤寡餽粥不給李脫贈三百金爲置腴田百畝其家竟不知意出於余也施愚山聞之造余再拜曰某交孟貞三十年不能卹其後人之窮公與孟貞未定交而能卹其身後令不凍餓以死某愧公多矣至爲流涕

歷下詩派始盛於宏正四傑之邊尚書華泉再盛於嘉隆七子之李觀察滄溟二公後皆式微施愚山督學時爲滄溟立墓碑夢其衣冠來謝余刻華泉集及其仲子習遺詩又訪其後裔則墓祠久廢七世孫某已爲人家佃種矣乃公言於當道予以奉祀生兒童不識字耕稼魏公莊古今同慨也

已上漁

洋詩話 并錄一

香祖筆記

予旣選刻邊尚書華泉集及其仲子習逸詩又訪其七世裔孫紹祖請於當事爲公奉祀歷城諸生張捷字澄源邊

氏子佃主也又訪其集於臨邑故家得魏允孚刻本爲重鐫之書來請序并謀新公祠宇置祭田可謂好事喻義者因書

之

乙酉七月廿一日記

李西涯樂府謝鐸潘辰所評案辰青田人父流清游太學與岳文肅公季方友善流清早卒辰少孤流落京師文肅一日過陳緝熙見其友李斯式愕視久之曰此吾友潘流清也命王寫其真以遺辰辰持歸示其母母涕泣而藏之事載菽園雜記近日嘉定李長蘅與景陵譚友夏貌相似友夏有詩云

他年誰後死優孟免躊躇

文正乃岳之婿

古夫于亭雜錄

唐韓翃以春城無處不飛花一詩見知九重召知制誥傳爲佳話世盡知之杜陽雜編又載一事德宗西幸有二馬一號神智驄一號如意駒貞元三年蜀中進瑞鞭有麟鳳龜龍之

形色類琥珀一日將幸諸苑內廐進瑞鞭上顧近臣曰昔朕
西幸有二駿稱二絕今獲此鞭可稱三絕矣因吟曰鴛鴦赭
白齒新齊曉日花間散碧蹄玉勒乍廻初噴沫金鞭欲下不
成嘶亦翊作也知翊詩流聞禁中者多不獨寒食東風之句
而已分廿餘話并錄一

全上 偶感韓翊君平事作一絕句云寒食東風散蠟時姓名
早被九重知如何白首依戎幕剛遣兒童笑惡詩

韻事類

上

朱秉器官蜀臬時寄梅禹金書云升菴先生夫人黃嫻于文
詞生平琴瑟頗不諧先生卒遺稿有存者盡付之丙丁其爲
侍御公收拾者什之五六耳與諸書所記頗異詞恐未足信
先太師總制川湖時會刻升菴逸稿丙丁之云亦未必然也

朱又云用修在滇製小肩輿如升之形僅可容膝張愈光含
題一聯其上云人到東京須氣節地當西晉且風流所謂升

巷以此

皇華紀聞

施愚山分守湖西製苧帳題詩其上寄林翁茂之一時名士
多屬和名曰詩帳或一絕句云斗帳殷勤白苧裁使君親自
寫詩來孤山處士朝眠穩朝日烘門懶未開

嚴感遇烏程人少豪宕舉止與俗異常畜一白鵲行止與俱
鵲死哭之數日老而貧居山中窮僻處忍飢賦詩一日米盡
友人遺白金一餅攜之市米遇小漢玉器輒買以歸玩弄之
餓而僵仆幾絕

高鏞字淵穎保定人少從孫鍾元先生學嗜酒好遊名山水
自負鏗鑿每得詩必題石手鐫之常游林慮竟日忘返聞峰

下耕者喧呼迴視向所來處乃知衝虎過也鑄有集數十卷其門人陳僖藹公編集并錄一

秦得驛程後記清苑人高淵穎博學工書好遊名山題名賦咏輒手自

鐫刻著蘆中集漁郵清話

宋末浦江吳涓倡月泉吟社賦田園雜興近體詩名士謝翺輩第其高下詩傳者六十八清新尖刻別自一家予幼於外祖鄒平孫公家見古刊本後始見琴川毛氏本常禴和之竊謂臯羽所品高下未盡當意因戲爲易置次第如左。春日

田園雜興。第一名子進宋名魏新之號石川第二名魏子大梁必大第三

名全泉翁金璧字君玉第四名山南隱逸劉應龍字元益第五名躡雲翁合老仲嘉第

六名仙郵人第七名方賞方德麟號藏六第八名高宇梁相字必大第九名俞

自得第十名槐廳居士黃景昌十一名東湖散人十二名徐端

甫十三名仇近邨

仇遠字仁近

十四名陳希邵

陳舜道

十五名子直

石

川十六名司馬澄翁

馮澄字澄翁

十七名陳緯孫

何

十八名聞人仲

伯陳希聲

十九名君瑞二十名田起東

劉汝鈞號象山

二十一名羅公福

連文鳳號應山原第一名

己上池北偶談

并錄一

古夫于亭雜錄

宋末浦江吳渭清翁作月泉吟社以范石湖春日田園

雜興爲題中選者若干人謝臯羽所評定至今人艷稱之順

治丁酉余在濟南明湖倡秋柳社南北和者至數百人廣陵

閨秀李季嫻王璐卿亦有和作後二年余至淮南始見之蓋

其流傳之速如此同年汪鈍翁在蘓州爲柳枝詞十二章仿

月泉例徵詩湖西江南和者亦數百人

宗楸附識柳南隨筆新城秋柳詩四首其風調之佳如三河少年風流自賞蓋妙構也

近日吾邑邵青門陵作秋柳詞一首風調亦復可愛因錄之詞云萬樹黃金線最無端
送春辭夏垂垂欲倦一自漫空飛絮盡多少朱門書掩便背了東風一面記得清明寒
食路倚纖腰亂打桃花片又勾住花間燕如今拋擲情何限帶幾枝冷烟疎雨水郵芽

唐六代山河斜照裏無數暮鴉樓遍又何處笛聲哀怨悽絕右丞三疊句任行人唱煞無心管長亭路連天遠勇參迷蒿廬先生云此詞甚佳惜兩又字犯重余欲易前段又字爲旋字庶不複又案此詞調寄金縷曲

予童稚時常與諸兄雪夜集東堂酒閒共和輞川絕句在京師雪夜與姜西溟諸君飲集約分賦古人雪中一事有雪中唱和集傳於都下

并錄一

分廿餘話康熙甲戌余在京師歲除大雪偶邀老友姜西溟吳商志門人蔣京少查夏重宋山言周策銘殷彥來蔣靜山諸子寓齋小集酒酣隸事各賦五言詠古一章彥來詩最先成次日又以歲寒詩十五首見投余口占絕句贈之云昨夜草堂風雪裏羣賢擊鉢羨殷生朝來更愛新篇好十五詩當十五賦此詩蠶尾集不載今追錄於此

一時公卿和彥來歲寒詩者凡數十家田綸霞少司徒爲授

之梓澤州相國作序韓宗伯慕廬作跋亦藝林佳話因牽連
記之

出濟南西門行不百步折而北稍東爲漪園園跨水爲亭爲
堂爲樓閣爲長廊皆因水爲勝堂曰漱玉後爲池池上有楊
柳合抱長條下垂披拂與萍藻相亂蔭可一畝許炎景却避
涼風洒然遊者倚徙不能去池之東循廊而南爲清階之閣
級石而上南山如畫屏或書唐人詩一聯云泉聲到池盡山
色上樓多風景宛然以山色上樓多爲韻人賦五言

予去明湖十年矣游漪園之次日復有泛湖之約過百花洲
葭蘆彌望新荷田田被水入許忠節祠公諱遠正德中爲樂
陵令殺流賊全其城後與孫忠烈同死寧濠之亂西階下刻
何大復樂陵令行一碑西北古歷下亭卽李北海杜子美賦

詩處近頗修葺亭中額曰歷下此亭古歎其朴雅

趙廷講字仲聞德州人少聰穎強記以蔭入國學例當得官不樂就自放於酒葺精廬竹木花石位置楚楚度圖書金石文字千卷充牣其中前鑿小沼蓄文魚百頭聽堂堂策策以爲樂簷戶閒多籠語鳥時其鳴則嘯而和之性不喜執綺貴游獨與二三窮交飲飲輒醉或風雨客不至獨坐引滿讀莊騷史漢書醉乃已亦閒爲詩有句云達似劉伶因酒死窮如東野以詩鳴年三十六以酒死

兒子啓涑于綠蘿書屋之南稍以己意布置小具邱壑命之曰清遠山居落成自賦十二詩紀事門人何翰林世璠澹菴復集陶向和之妙出天然清遠山者在浙之浦陽蓋道家所謂洞天福地之一適與涑字符合故取以名

已上懸尾續文

帶經堂詩話卷二十五

帶經堂詩話卷二十六

漁洋山人

記載門八

韻事類下

湯若士先生玉茗堂亂後久燬兵火門人常熟陸輅次公通判撫州捐俸錢卽堂址重新之落成日徧召太守以下諸同官泊郡中士大夫大集堂中令所攜吳伶合樂演牡丹亭傳奇竟夕而罷自賦二詩紀事一時江右傳之多屬和者

并錄一

漁洋門人陸次公輅常熟人自恩縣令遷判撫州重建玉茗

堂於故址半載挂冠堂適落成大會府僚及士大夫出吳兒演牡丹亭劇二日解纜去自賦四詩紀事江以南和者甚衆余在京師寄詩云落花如夢草如茵弔古臨川正暮春玉茗

又開風景地丹青長憶綺羅人瞿唐廻櫂三生石迦葉聞箏
累劫身酒罷江亭帆已遠歌聲猶繞畫梁塵

五月門人蔣景祁宋至殷譽慶蔣仁錫遊看棗花於崇效寺
予賦五言古詩二章諸子和之寺有楊忠烈公漣榜書無塵
別境四大字極遒勁

宋二中丞牧仲學偶於蘓州閭門桃花鴨野圃中得片碣題

唐六如墓因封樹之立碑焉近有書至云方重建蘓子美滄
浪亭取予送尤太史展成詞詩句作亭聯云戲魚明鏡闌喬

木古亭深俾予作亭記并錄一

看鶴驛李方伯亮以宋中丞牧仲新刊二家詩鈔至武進邵長

蘅子湘所撰錄予及牧仲詩也又示牧仲近著滄浪小志牧
仲既重作蘓子美滄浪亭又爲此志尤檢討悔菴諸君子製

詩歌美之其風流好事如此

沂水高中丞平仲諱名衡工詩畫後撫汴有功名崇正辛未
初舉進士在京師手畫白練衣一稱寄其內張夫人凡花卉
二十五種作三十二叢著色生動倏極姿態又題五七言絕
句凡八首畧云對月偏成憶臨風更有思鄉心無可寄聊寫
最嬌枝花枝鮮且妍置之在懷袖好記花枝新憐取衣裳舊
輕襦畫折枝悠然感我思畫時腸已斷著時心自知霧縠偏
宜暑水綃迥出塵著時憐百朶應憶畫眉人安邱張貞杞園

作畫衣記

并錄一

漁洋詩話

沂水高平仲中丞

名衡

崇正辛未進士官河南巡撫歸殉

壬午之難初登第觀政京師製衣一稱寄內自畫花卉其上
凡二十六種作三十二叢花之左右前後各題絕句詩凡八

首張杞園

貞

待詔作畫衣記詩略載于此對月偏成憶臨風

更有思鄉心無可寄聊寫最嬌枝花枝嬌且妍置之在懷裏
好記花枝新憐取衣裳舊輕襦畫折枝悠然感我思畫時腸
已斷著時心自知霧縠偏宜暑冰綃迥出塵著時憐百朶應
憶畫眉人客邸長安一事無畫長人靜影形孤閒將一段鶯
谿絹寫作名花百種圖

五雜俎云八月望有月華或言夜半或言微雨後或言凡秋
夜之望皆有之五彩鮮明旁照數十丈如金線者百餘道或
言但紅雲圍繞之而已康熙己未庚申間先司徒府君以中
秋夜召客客散留徐隱君東癡夜宿而府君獨坐月中徘徊
未寢漏下三鼓忽見月華如前所云五采金光灼爍射入不
可名狀急呼隱君起重命觴酌達旦明日隱君賦月華篇紀

事載新志中

已上居易錄

盤山拙菴

智朴

和尚自江南還山以滄浪高唱畫冊來索題蓋

師訪宋牧仲開府于吳門適朱竹垞

彝尊

太史自禾中來會于

滄浪亭共賦詩見懷而畫史高簡圖之者也宋詩云青溝關

就老烟霞瓢笠相過道路除攜得一餅豆苗菜

菜名出盤山

來看三

月牡丹花因緣大事公能了潦倒癡官我自嗟好向滄浪亭

子上梅檀香裏奉袈裟經行斜日且觀魚黃鳥綿蠻入耳初

接席金風舊亭長

竹垞

懷人蠶尾老尚書

阮亭

春深玉版容參悟

歲晚花宮待掃除拂子一揮仍小住空林明月暮鐘餘

十月初九日夜再雪竟夜積素滿庭晚菊尚敷腴可玩晨起

忍寒坐信古堂對雪看菊忽梁溪琴僧岳蓮見過彈平沙落

鴈漢宮秋二曲古音蕭寥忘其身在長安官是秋曹之長也

作二詩紀事

予甲子冬奉使南海歲杪次桐城大雪中陳默公焯初未相

見卽過予客署二從者背負巨囊揖罷卽呼具案顧從者取
囊書數十大冊羅列案上指示予曰此吾二十年來所輯宋
元詩會若干卷聞公奉使當過此喜甚將待公決擇之然後
出問世耳已過其滌岑雪中遠眺龍眠諸山縱觀是書竟日
賓主談諧無一言及世事此亦冠蓋交游中所少默公順治
壬辰進士二甲臚傳第一以耳聾不仕終

宗枬附識宋太史竹垞有云近見選宋元詩者紛紛目未脂全集而強爲論定去取安
能悉當乎斯言固然然如北宋數大家全集具在此而孰綜未當陸諸至寶當前昧昧
者如無昭也詩會一編卷帙繁重嘗於暇日一披閱之覺兩宋去取殊不愜人意而元
詩尤爲蕪雜家數亦多未備竊謂選詩者手眼平平雖退叅博覽於此事猶無與爾

高念東侍郎遊山陰道上有句云筇杖古松流水外蒲團修

竹緒風閒予愛之命畫師禹鴻臚鼎寫爲二圖

田綸霞嬰少司徒爲詩文好新異康熙壬午謝病歸淡歲臥
病醫立方以進輒嫌其俗易他名始服之如以枸杞爲天精
人參爲地精木香爲東華童子之類其癖好新奇如此余聞
諸其弟需子益云

宗神附識記專珠本草別名 甘草曰國老 車前曰萊菔曰蝦蟆衣 茯苓曰松腴

曰雲腴曰不羶麩 艾曰冰臺 葛蒲曰綠劍真人 人參曰靈商還丹 麥冬曰馬

餘糧 黃精曰重樓曰鹿竹曰仙人餘糧 羌活曰護羌使者曰濟平章 檳榔曰馬

金黃曰洗瘡丹 枸杞曰仙人杖曰却老枝曰三尸錄曰却暑 遠志曰細草曰醒心

杖 香附子曰抱靈居士曰正坐丹砂 芎藭曰蘆蕪 卷柏曰萬歲曰豹尾 白痰

蔡曰沃曰止行 黃蓍曰百本 防風曰百枝 旋覆花曰山薑曰飛天說 當歸曰

文無曰藤蕪曰山蕪 麻黃曰中黃節士 百合曰中逢花 黃芩曰如婦曰昔督郵

白木曰山精亦曰山薑 石斛曰林蘭 何首烏曰交藤 陳皮曰貴老 厚朴曰

淡伯 白芨曰雪如來 蜜曰甘少府 白微曰知微老 藤李仁曰陸上座 款冬

花曰救肺疾 薄荷曰水喉射 輕粉曰水銀脂 牽牛曰股君子 香薷曰清涼種

沉香曰遠秀卿 阿魏曰魏去疾 升麻曰既濟公 滑石曰石仲寧 紫蘆曰水

狀元 大腹皮曰草東林 桔梗曰吉祥梓 枇杷葉曰無憂扇 芍藥曰錦繡根

大黃曰無聲虎 松脂曰琥珀孫 生薑曰百鍊雲 澤蘭曰九畹菜 礪砂曰旱水

精 丁香曰煥香嬌 鹽甲曰黑龍元 蜂房曰一寸樓臺 神麴曰化米先生 梔子

曰百藥之長 川烏曰昌明童子 枳殼曰洞庭奴隸 白荷豆曰雪眉同氣 梔子

曰黃香影子 金鈴子曰水磨橄欖 史君子曰風稜御史 酸棗仁曰調睡添軍

韻事

石楠葉曰冷翠金剛 桃仁曰脫核嬰兒 蜜陀僧曰甜面浮子 安息香曰命門樹

士 壽生草曰混沌蝦吟 烏藥曰比目沉香 半夏曰撥宮霹靂 牛膝曰通天柱

杖 蒼木曰茅蒸寶藤 山藥曰銀條德星 地黃曰還

元大品 柏子仁曰鍊形松子 丁香曰冷虛霍去病

余初撰五言詩七言詩成京師同人鈔寫祇有七部卽蔣京

少景和所刻陽羨本也曲阜顏吏部修來

光

敏手鈔杜蘓黃陸

四家歌行而以余詩次其後日雜誦之

予以順治十二年乙未科登第甫弱冠時預同年讌會東歸
後有寄友人詩云當年曾記鳳城頭比舍相過盡雅游道政
里中人似璧善和坊北月如鈞閒邀師子尋新曲醉遣獼兒
亂酒籌今日相思一彈指坐驚花事到黔陬後數年理揚州
寄嚴州詩云秋水初波枕畔流欲將愁思寄嚴州新安江水
千餘里何處天邊風露樓皆有本事今思之已四五十年如
前塵昨夢二詩皆不載集中故追錄

已上香祖筆記

中牟南湖有蒲盧亭張孝廉林宗民表時飲酒於此余過之嫌

其命名非雅易以墊巾以存林宗故蹟題詩云南郭孤亭野

水濱拔蒲獵獵水鱗鱗林宗未遠風流在不愧亭名是墊巾

并錄一

分廿餘話中牟縣南門外有南湖湖中有蒲盧亭余以丙子使秦

蜀歸過之惜其名不雅馴以邑名士張林宗常飲酒賦詩於

此改名墊巾題一詩云南郭孤亭野水濱拔蒲獵獵水鱗鱗

林宗未遠風流在不愧亭名是墊巾

康熙癸卯歲將除孫無言黠欲渡江往海鹽訪彭十羨門人

問有何急事畝曰將索其延露詞與阮亭衍波程邨鄒祇謨麗

農詞合刻之陳其年維贈以詩曰秦七黃九自佳耳此事何

與卿飢寒孫新安人居廣陵并錄一

瀛洋無言不甚爲詩而好朋友之詩嘗刻諸家填詞獨購彭

十羨門之作不可得一日附估船往海鹽予問之曰將訪彭君耳然舟楫雖其實無隔宿之春渡江徑去弗顧陽羨陳其年贈以詩所謂秦七黃九自佳耳此事何與卿飢寒指此事也老營一室名曰繭窩同人多爲賦之索予詩未有以報也先大父方伯贈尚書公年八十餘親教諸孫頗及聲律之學從叔祖洞庭先生善草書尤喜飲酒一日置酒邀之醉後顛墨淋漓公顧諸孫命對云醉愛羲之蹟余時年十一歲輒應聲曰閒吟白也詩公及洞庭先生皆大喜賜畫扇二

并錄一

古夫于
亭雜錄

童子入家塾誦之餘令其屬對凡以調聲律規器識

不爲無補昔程篁墩舉神童以此得名余邑前輩沈澂川

淵

先生幼時塾師夏楚之負痛投地師曰一滾滾下地能對則

賈汝公應聲曰兩登登上天師大奇之後果以嘉靖乙丑登
進士入翰林官國子司業余八九歲時先大父召叔祖洞庭
成飲叔祖豪於酒而工草聖有張顛之風大父顧余兄弟曰
醉愛羲之蹟余應聲對曰狂吟白也詩公大喜賞以名人書
畫扇後順治辛卯倖叨魁薦府君時年九十一猶及見之

宗樞附識靜志居詩話鹿柴先生占籍嘉興注名駕水詩社乙酉之春過余外舅馮翁
小飲余陪末坐忽問曰曾學詩否對曰未也先生曰詩有一學而能者有終身學之而
不能者洵有別才焉余問學詩何從曰試作對對句酒至先生舉古人名俾屬對偶記憶
頗對王對沈田子鄭虎臣對沈麟士蔡興宗對崔愨祖蕭子雲對任伯雨魏知古對顧
相時吉中孚對溫大有楊完者對晁補之杜審言對蕭思話貢師泰對齊履謙任蠻奴
對張憑子金安上對鄭居中劉辰翁對途丑父韓擇木對李桐筠蔡有鄰對徐無黨王
巖叟對阮佃夫李思齊對石作蜀柳三變對張九成鄭櫻桃對郭芍藥王僧綽對馬仙
理秘彭祖對庾黔婁劉方平對徐園朗劉仁本對范道根先生見余應對之不窮也語
馮翁曰此將來必以詩名世其取材博矣鹿柴先生者王昆翁名廷宰以教諭遷知縣
松江華亭人也又查浦輯聞竹垞先生齋夜飲各舉古人男女成對者爲酒令得太白
小青無咎莫愁彩鸞赤鳳無雙第五觸龍飛燕漂母灌夫武子文君羣玉串珠東野西
施紅橋白石等字前輩文字之飲韻致若是吾見時流酒次草野而好論官常駟槽而
後談經濟已屬可嗤甚至其言發土猶以齒牙便利爲能俗氣熏人可憎亦可憐也

余有寄懷錢唐吳寶厓

陳二絕句

說仙人萼綠華紫金

跳脫降羊家苧蘿溪上春無主一代紅顏獨浣紗紫陌紛紛

看牡丹車如流水從

去聲

金鞍那知冰雪西谿路猶有梅花耐

歲寒寶厓因屬禹尚基

之

寫西谿梅雪圖

余在廣陵衙齋有鶴十二每微雨輒矯翮引吭如得意者汪

茗文

晚

葉子吉

方

過揚州各籠其二歸吳中汪有贈鶴記葉

有長歌具載本集鶴產通州呂四場者背脰皆綠傳是仙種

也

已上漁洋詩話

汪鈍翁

晚

說鈴云二王好作香奩詩倡和每至數十首劉公

猷

體

曰此雖慧業然并此不作可也蓋余少時與兄西樵及

海盦彭少宰羨門

孫

倡和香奩體詩世多傳之彭有句云仙

路無緣逢巨勝珠胎有淚滴方諸西樵有句云下杜城邊分

驛路上蘭門外足長亭余亦有句云洛浦神人工拾翠魏家

公子妙彈碁梅根冶裏春逢信蘭葉舟中晚趁潮詳載彭王

倡和集

古夫于亭雜錄

宗柎附識亞谷叢書漁洋先生無題詩二首見

皇清詩選帶經堂集不載想是少作

刪去耳姑識于此緣過禊節罷秋千過眼流光倍解憐柳絮橫塘三尺水梨花簾幙午
時烟綠能籠冷殘春後白鷗香濃繡佛前愛寫名經號慧業不知人月共嬋娟深沉院
落景初暹宿酒猶酣倦起時爲怯夜寒生屈戌從教花影亂學恩如聞長敷服初覺乍
識餘香慢尚垂解道游仙真夢裏好將招振寄紅鞋愚案二
詩情文綺旋讀之齒頰俱香第不類山人風格豈真少作耶

醴泉寺在長白山之西西有大溪溪中多巨石紅葉時最可

游憩石下產小蟹百十爲羣一二寸之魚泳游其閒與日影

相映恍惚無定去吾別業才七八里余有詩云千林紅葉多

亂此一溪水葉逝水空明魚苗可憐紫

唐詩魚鱗可憐紫

石根如蟹堞

螯跪五銖小瑣瑀腹中居何似清流好

高念東先生

新

作少宰日忽賦一詩題曰願作杭嚴道或訝

而問之答曰吾平生慕西湖嚴灘山水之勝聊以寄興耳官
資高卑不暇計也其漫興如此

宗樞案山人送湯侍講荆峴于禮部亦山使浙詩我愛西子湖風昔夢見之湖光與山
綠樂事輸吳兒警客談江瑤未免思桑顛聞君往東南起舞掀兩眉其於西湖興復不
淺記潘川之語備

亦神往其閒耶

已丑歲自春夏至秋八月多雨書屋後叢竹甚茂雨後鶯兒
鴨雛拍浮其閒頗似畫本余賦絕句云紫竹林中水滿塘鶯
兒得意弄輕黃鞞材賸有鶯溪絹合付邊鸞與趙昌從姪磊
字石丈善丹青當令補作一圖

余生平最愛楓葉行吳楚閒所見多矣尤愛雪中楓柏淺深
相閒有如畫圖己丑九月下浣六日未霜而有微雪大兒凍
以石帆亭楓葉十餘片至微紅可愛輒從枕上賦一詩云秋
雨連宵響菊叢石帆亭畔小池東正衙無夢頌新歷六見池

邊楓葉紅時去十月朔頒歷才四日

康熙己丑靈雨竟歲屋漏牀牀偶見曦景則舉酒相賀十一月十八夜始得微雪曉起卽晴著屐過石帆亭憶蕭亭方臥病山中賦一詩寄懷云愁霖昧昏且歲律俄已窮今晨喜初霽草木開春容一徑入雪竹半嶺聞風松紛吾懷故人臥病西南峯愛而不可見側身欲相從綠萼破輕素玉茗舒新紅何時散花室敷坐談真空

德州羅酒壇名京師清冽在滄酒之上余自甲申歸田謝郎

中方山

重輝

屢致家釀己丑冬雪後先以詩來云黃流初壓室

氤氳親貯陶餅遠寄君非向故人誇酒旨醉鄉風味欲平分余以二詩報謝云白家烏帽重屏裏初試紅泥小火爐恰是陵州酒船到不愁風雪歷磨麻酒車冒雪遠衝泥尺素殷勤

謝傅題一樹山茶紅破蕊花前催進玉東西

庚寅六月宋太宰牧仲書來言近日益治西陂得孔雀五色
鸚鵡及宋槧文選杜牧之書張好好詩真蹟有宣和御璽題

字已上分甘餘話

異徵類

王叅議天鑑字近微別字毅州宣鎮人順治二年舉順天鄉
試明年舉禮部除知恩縣擢禮部主事遷員外郎進郎中十
二年簡京朝官才優經濟者出爲監司公在選中擢陝西布
政使叅議分守河西道先是讀空同集偶卜出處得慶陽亦
是先王地城對東山不甯墳之句頃之果驗人以爲異漁洋文
劉燾字尚載桐城人成化間舉人官至長沙知府爲諸生時
與友人同赴省應選貢途中風雨驟至因解裘暫憩野亭共

賦送春詩云云忽一老父衣簑荷笠至聞吟詩亦請筆硯頃刻詩成詩云怨風怨雨總皆非風雨不來春亦歸蜀魄啼殘花影瘦吳蠶喫盡柘陰稀枝頭綠軟梅初熟口角黃乾燕學飛我亦欲歸歸未得擔頭猶挂舊簑衣二人誦之大驚老父曰山居只尺能枉過乎袖出棗二枚啖之因與同行數里天漸曠前阻一溪溪有竹筏老父招二人登焉二人不可謝歸老父登筏長嘯而去比歸則稻已登場距去時半載矣劉後壽至九十餘門人劉元章字貞士言其家乘所記甚確列朝詩所述建安莎衣道者非事實也宋牧仲中丞筠廊偶筆亦載此事傳聞又異按三說當以劉爲實錄

周休休正德間寓建昌隆道觀題詩院壁云陌上紅塵撲面飛近來覺得世情微白雲深處招黃鶴不識人間有是非後

觀主以漣糧繫獄周出藥如黍粒點金濟之遂絕跡

崔琬字文美新建人性至孝父彥俊遭危疾割股進之尋瘥忽有石碁子一飛墮几案視之十字也果益算十一年而終琬有悟真詩百首傳于代

石蓮洞在吉水縣西北舊名石屋羅念菴先生歸田後靜坐于此山多虎乃置短牆署曰虎豹關虎遂絕跡洞南爲正學書院先生年六十一忽一夜聞洞外人語曰甲子年來甲子年與君相見月圓前明日公遂歸望前一日無疾而逝世傳爲仙去云已上皇華紀聞

南陽浙川古商於地同年于道子先登嘗令其地爲予言金人侵宋時伐香嚴寺木造舟木中有紋理成詩云栽松種柏興唐日解板乘舟破宋時可惜香嚴千載樹等閒零落歲寒枝

又順治辛卯歲雷山道人伐松葺回陽觀諸生李霽明者禱於神質明松上有絕句字如蟲蛀者云修廟還菑廟裏松廟成松去鶴巢空不如留却青松在待得長生老化龍衆異之遂止

黃州曹石霞

韻

崇正己卯解元癸未進士以文章名世父卒

官順寧旅櫬未返萬里入滇順寧有民家生一兒七歲不言一日忽語父曰楚人曹石霞吾門生也今日至此當往見之家人疑怪不信兒輒自往父母尾之至通衢果有肩輿來者兒從稠人中直前止其輿字而呼之曰石霞吾待汝久矣曹愕然兒又曰此地未可語當至邸舍告汝既至邸兒又曰可屏人闔戶如其言兒南向坐曰我章格菴正宸也一念之誤三墮輪迴始在豫繼在粵在此候汝又數年矣今可隨我去

乎曹歎訝再拜曰某以父櫬未返葬閒關萬里遠涉南荒未能卽從夫子請俟異日兒默然久之曰然則吾先行待汝耳遂至其家是夕死矣曹賦詩紀異不數月竟卒於順寧其子以櫬歸至某郡忽重不可舉視其壁上乃有曹入滇時弔洪半石天祿詩洪亦黃人藁葬於此乃啓洪窆禱於櫬前請同歸葬於是遂行楊職方鄂州兆傑說

同年張鶴洲行人五堊嘗乘一羸甚愛之康熙甲辰鶴洲以科場事下刑部餽粥不繼乃以羸抵逋於人一日過市酸嘶悲鳴墮其新主而逸歸張邸稍近之輒蹄齧不已家兄考功爲賦義羸行嗚呼此羸勝華歆賈充褚淵六臣之徒多矣

汾州孝義縣狐岐山多虎明嘉靖中一樵人朝行失足墮虎穴見兩虎子臥穴內深數丈不得出徬徨待死日將曠虎來

銜一生麋飼其子既復以餒予樵樵懼甚自度必不免迨味
爽虎躍去暮歸飼子復以餒與樵如是月餘漸與虎狎一日
虎負子出樵夫號曰大王救我須臾虎復入俛首就樵樵遂
騎而騰上置叢箐中樵復跪告曰蒙大王活我今相失懼不
免他患幸導我通衢死不忘報虎又引之前至大道旁樵泣
拜曰蒙大王厚恩無以報歸當畜一豚縣西郭外郵亭下以
候大王某日日中當至無忘也虎領之至日虎先期至不見
樵遂入郭居民噪逐生致之告縣樵聞之奔詣縣廳抱虎痛
哭曰大王以赴約來耶虎點頭樵曰我爲大王請命不得願
以死從大王語罷虎淚下如雨觀者數千人莫不歎息知縣
萊陽人某也急趣釋之驅至亭下投以豚大嚼顧樵再三而
去因名其亭曰義虎亭宋荔裳

疏作義虎行王于一

定作義

虎傳紀其事

江浦周西水兵部名于漆幼不能言然頗能記前世爲某邑人所常栖止處廣庭中設一几庭前有紅薔薇一叢時時夢到其地七歲時戲門前有僧過門顧之曰此郎有夙因周應聲卽能言家人驚喜因令讀書一過目如宿習數月徧通經書左國史漢年十四讀書山中精舍一日日夕憩溪邊石上遇老僧謂曰郎忘七歲門前相見時耶叩其名曰我寶蕊也聞人周因留之舍中日夜與論象緯律歷六壬丁甲句股洞章之術未半載盡通其說瀕行復以黃海道九邊三圖授之且曰吾數學未傳人今當游四方訪之又秘語周以十年之內天下必大亂君異代人物也自丙子迄甲申果九年而明亡皆如其言周入本朝以明經謁選人常念寶蕊別時

贈詩有元夕燈前尋賈子秋風臺下拜鄒生之句未詳所謂及謁選得房山令上元與僚屬讌於賈公祠問之唐詩人賈閻仙祠也問有子孫乎吏對有賈某者其裔也見以逋稅繫獄周急令出之代完其逋是年秋調平谷令抵縣日卽出勘田畝夜宿山郵古廟比晨視其額則鄒衍祠也於是悟寶蕊之語一無爽焉周述其學著三才儒要三十卷

閩陳寶鑰字綠厓觀察青州一日燕坐齋中忽有小鬟年可十四五姿首甚美舉簾入曰林四娘見陳驚愕莫知所以逡巡問四娘已至前萬福蠻髻朱衣繡半臂鳳背鞦韆腰佩雙劍陳疑其仙俠不得已揖就坐四娘曰妾故衡王宮嬪也生長金陵衡王昔以千金聘妾入後宮寵絕倫輩不幸早死殯於宮中不數年國破遂北去妾魂魄猶戀故墟今宮殿荒蕪聊

欲假君亭館延客固無益於君亦無所損於君願無疑焉陳
唯唯自是日必一至每張筵初不見有賓客但聞笑語酬酢
久之設具讌陳及陳鄉人公車者十數輩咸在坐嘉肴旨酒
不異人世然亦不知何從至也酒酣四娘敘述宮中舊事悲
不自勝引節而歌聲甚哀怨舉坐沾衣罷酒如是年餘一日
黯然有離別之色告陳曰妾塵緣已盡當往終南以君情誼
厚一來取別耳自後遂絕有詩一卷長山李五絃司寇化有
寫本云又程周量會元記其一詩云靜鎖深宮憶往年樓臺
簫鼓遍烽烟紅顏力弱難爲厲黑海心悲只學禪細讀蓮花
千自偈閒看貝葉兩三篇梨園高唱□□□君試聽之亦惘
然

利津李神仙者占卜射覆多奇中霑化李吉津宮詹

呈

在京

師一日問李前程事李書一聯云洗耳自同高士潔披襟不讓大王雄後半載宮詹以建言流徙出關途次永平有一秀才迎道側具刺自言貧苦求資助視其名則高士潔也大駭歎及出關一守備王姓素受宮詹恩聞公至遠來相送因爲誦前詩及第六句王駭曰雄卽某小字也李公太息以爲定數不爽如此至康熙元年詔許生還李公一日偶舉此事語長洲尤太史展成個尤又駭曰此詩乃某昔年戲作論語詩中之一也李今已老尚往來燕趙齊魯間

井研雷侍御某爲縣令時生一子八歲而天後復生一子年七八歲一日晨睡不醒喚久之乃覺自云適見其兄來呼入一山似非人境且贈之詩云三生未了塵凡業一夕初完渾沌胎紫炁臺前千劫盡白羅天外百花開正吟末句忽云父

母喚汝可去爲我致問安好也高念東侍郎說

金山有義蜂冢鎮江府廨有蜂一筒逸出其王斃羣蜂相揉藉爭死之不下萬餘嘉靖中鎮江嚴同知者爲立義蜂冢徐尚書養齋問作蜂冢歌紀事云羣蜂勢方屯主蜂自殘折意氣許與成君臣義心欲奮秋陽烈摧軀扶股同死君田橫門客多如雲後人重死不重義奉頭鼠竄何紛紛微蟲感恩乃至爾吁嗟萬靈不如此金山山高江水寒孤冢蒼茫爲誰起西園雜記云嚴名應階綠雪堂雜言云在北固山楊選菴閣老表爲義蜂冢

邗縣二蘓公墓明末劇寇吳宗聖作亂松柏剪伐無餘順治

初知縣張石只

篤行章邗人
丙戌進士

至謁墓下復爲封樹立碑增植松

樹千餘株題詩云我眉遙望獨傷情樹盡碑殘野草生莫道

荒邨烟火絕山家今日是清明是夜夢一青衣曰東坡遣致
謝問先生今何在曰在臨汝公至彼當相見是歲七月以事
至汝州有青衣款門遺一卷乃東坡墨蹟蜀岡送蘇伯固之
嶺南五言詩也青衣忽不見張異之因命工摹勒於石自記
其本末如此

王璵似字魯珍益都諸生也康熙元年省父保寧太守玉生

字稚

蠶尾續文無
字稚崑三字

歸次鳳翔橫水

續文有
鎮字

西迷失道時方五月喝

甚遙見山麓屋宇隱隱出林表策馬赴之可五六里至則古

木參天藤蔓糾結漸入陰翳不見曦景蝟伏鼠竄栖鶻磔磔

驚起叢薄間心悸欲返更誤入敗垣北得一亭蒿藜沒徑間

無人跡繫馬堦楹轉入東北隅有堂巍然堂後素壁上題詩

滅沒不完有

續文有
句字

云殘魂搖遠夢弱骨冷空山又云金刀斷

織韓香事千載銜冤泣月明方吟諷然疑之頃忽墻下窸窣有聲一巨蛇出草間拔刃逐之乃引至別院一室類祠廟室

中有塑像綠衣少年衣冠甚古室

續文無室字

東西正黑如夜西北

隅微茫有物如牀几不敢近稍以刃穴壞牖土石視之天光穿漏則一敗樞耳睇其中豐鬚織足女子也雖衣花成土而

依稀可辨胸歷七首剪刀出其

續文無其字

左脇憶壁閒詩

續文有云云其二字

始以此因

續文無因字

以土覆其身而出比紆廻出林木日已將夕

僮僕

續文作僕馬

方徬徨道左乃覓路東行恍忽見一女子拊心倒

續文無倒字

行馬前旣而形隨目矚化身百千

續文有萬億二字

投逆旅

續文有倦而二字

假寐夢女子來

續文無來字

云荷君厚意後十二年再得相見比

覺問店主入云

續文有後魏二字

鄭刺史祠也闖寇已來久爲豺虎之

窟欲焚其處

續文無其處二字有之字

而未果也然十三年後竟無所遇云

王生予 續文無云字門人下
門人 有自述如此四字

雙槐歲鈔有貞鶯烈鴛二詩因憶昔在揚州署中有青鸞二
飲啄必俱一日其雄爲鹿觸死雌日夜哀鳴不忍聽聞數日
亦死予感其義作青鸞操

張生太室言順治十三年渡河至荆隆口龍王廟下見堤夫
買得大鱸魚長六尺許剖其腹得紅錦袋一枚中藏珍珠一
琲金約指四玉條脫一牛黃九子一紅甲二片香藥一裹又
私書一紙半已泯爛詞甚悽惋似是婦人欲寄所私不遂投
河死而入魚腹也張賦魚腹怨紀之

已上池北偶談

劉以平字近塘猗氏人諸生時夢入宮殿中有王者命坐對
奕又至一所石門上懸聯句云鸚鵡能廻千載夢麒麟空臥
萬年秋不解所謂旣登進士爲潞府王官王敬禮如賓師遷

陝西行太僕寺卿過武豐墓墓上石刻一聯卽夢中所見也
龍駒餘聞

天章說滄州人張漢儒嘗病彌留夢三梵僧以手三摩其腹
立愈遂發願謁四名山至普陀謁大士畢欲歸見一老人于
洞外掃除因與語曰若遠來寧欲見大士乎但虔禱當有所
睹張乃跪禱久之忽見洞口有金光衆諦視果睹大士自石
壁中出唯見側面又禱曰旣蒙大士現身願睹正面頂禮大
士卽又背洞面海去人咫尺紺髮卷鬢高顴隆準衣綠色半
身在雲氣中不可見衆歡喜稽首倏入石壁去老人云始亦
以得遇大士現身故捨身于此供灑掃之役久亦屢見按郎
瑛類纂亦載元張光弼普陀山觀世音善財應現詩蓋自昔
有之矣

崇正九年漢中人劉一真入終南山採藥遇仙人自言是徐元直令一真奏事有旨下撫按察訪成都費經虞有詩云傳聞徐元直尚在南山雲我欲從之去高峯麋鹿羣

并錄一

居易錄

小說載盧杞李林甫仙去固誕妄可笑然近世有遇徐

庶者或云在終南或云我眉成都費經虞有詩云傳聞徐元直尚在南山雲

田少司寇綸霞

箋

說昔官武昌監司遂安毛際可會侯訪之

一日遊書肆見一丐者衣服襤褸而神宇清異臂布囊中蓄鼠數十頭以爲食毛予之錢不受指其囊曰只此足矣得錢無所用也因閱毛所買書曰此習見書豈不貯腹笥而更買諸肆乎毛益駭其言因延之坐與論九流三教無不淹貫又索紙自寫其詩盡數十番字雜行草篆隸詩多警策閒有隱

語後數年夏包子作亂武漢間以其語驗之皆合毛詢其居處姓名不答顧曰子得遇我幸也我從此逝矣遂不復見葉氏女德州人其父賣菜傭也女生而知書明麗若神及笄富貴家競通媒灼女皆峻拒之但乞以女紅之直侍養父母時注目天際如有所思一日晨起嚴妝飾趨父母前禮拜若將遠離者詰之無語但頻視日景及午忽入室闔戶跣趺西向坐手結三昧印舉體香如芳蘭母心動入視之已化去久矣事在萬歷戊午年午月午日午時程工部先貞作火蓮行午日行二篇紀其事

魯顛子者無名字云是宋蕭簡公裔常居平湖盛暑或衣綿絮雪中則赤體遊行嬉笑自得亦嘗遇人家索酒飲數斗不醉自言當在雲間脫殼遂往松江遇知府方禹修禹修出作醉

顛狀大呼斥其名且曰當不良死方怒杖之立斃後二年有
人見之吳閶門有醉歌一首云擲杖下丹邱寒花點石樓十
年殘醉裏不見海山秋

譚公道者惠州人幼爲人牧牛後得道羅浮一日降乩題王

子干太守

亦

憶雪樓長句云鷺城刺史城西住伐木結樓最

高處當牕便見四百峯
遶屋何須三十樹
江光山色望無邊
不學蘇森慣懶眠
雨過披襟共長嘯
月來把酒問青天
滄桑
幾度荒蕪久
恰喜停驂向君後
疎櫺白屋只尋常
徑轉林開
已非舊知君元是住
山人五馬南來不失真
試倩維摩留妙
筆吳綾一幅可傳神
滿前花開復花落
人情翻覆秋雲薄
何如萬卷攤匡牀
么鳳飛來棲綠萼
百年瞬息本無多
及時行樂莫蹉跎
紛紛紅土爭顏色
奏爾瑤琴白雪歌
載笠他時約

蓬島

詞二

依稀挂檐角尊中有酒綠如澠會須坐向樓頭酌

又一詞調江城子亦可誦

已上居易錄

門生沈礪芳嘗與友人汎西湖未幾雨作座有請帆仙者至則書一絕句云才散笙歌罷綠么冷風疎雨上輕舸問予名字真消息曾向王維雪裏描印之自云綠天仙子賈秋壑半閒堂後植蕉百本予乃其中之得靈氣者現美人身侍書于巾峯洞天翼日跡之果有巨蕉一本樵牧不侵遂釀金構精舍其側自後數降帆與諸生倡和云

香祖筆記

陳子文

奕

初丞安邑夢至一山寺殿廡像設極宏麗顧見西

北隅下臨城堞有園圃新作一亭尚未覆瓦傍有人指示曰此君終身歸宿處也後三十年累官知南安府一日遊東山寺殿廡像設宛如夢中所見方心異之忽顧西北林木缺處

下有園圃中作一亭將成尚未覆瓦問之則府署後圃子文
重建宋守李彝庚綠陰亭也益異而心惡之歸遂寢疾初子
文得南安寄余書曰郡圃有宋人綠陰亭址暇當重葺之退
食則吟詩作字於此亭將成而歿竟未得一日居也

分甘餘話

帶經堂詩話卷二十六